

БИГЭРГЭТЭБИН  
Дьокуускай куорат уокуруктаагы дьаһалтатын  
култуураҕа уонна духуобунай сайдыыга  
управлениетын начальнига

Ли И.П.  
«27» май 2022 с.



**«Туймаада ыһыаҕын» оһуокай күрэһин балаһыанньата**

Саха ытык оһуокайын сүрүн күрэһэ – «Улуу Туймаада оһуокайа» буолар, ыраахтан-чугастан ыалдьыттары ыһыар! «Үс Хатын» үрдүнэн оһуокай күүстээх-абыланнаах тыллара, лынгынас көмүс дорбоонноро кыырай халлаанга өрө көтөннөр бар дьонно дьолу-саргыны тускулаатыннар, үрдүк үөрүүнү үөскэттиннэр, саха омук түмсүүтүн түстээтиннэр!

Быйылгы 2022 сыл дойдубут бэрэсидьинэ Владимир Владимирович Путин «Арассыһа норуоттарын култуураҕа мунньуллубут баайын-дуолун сыла» биллэрбитэ, онтон Өрөспүүбүлүкэбит Ил Дархана Айсен Сергеевич Николаев Саха сиригэр “Ийэ сылын” биллэрбитэ. Онно олобуран уонна Саха АССР төрүттэммитэ 100 сыллаах өрөгөйдөөх сылыгар, «Оһуокай» түмсүүтэ 35 сылыгар аныырга диэн быйылгы «Туймаада Оһуокайа» күрэһин Саха Сиригэр Дархан этээччилэрин сүбэтэ быһаардылар.

**Бастакы түһүмэх** (сүүмэрдиир түһүмэх) – бэс ыйын 25 күнүгэр күнүс 14.00 ч. төрдүс нүөмэрдээх “Оһуокай” түһүлгэтигэр (урукку «Күнү көрсөөһүн» түһүлгэтэ). Баай тыллаах-өстөөх, баҕалаах этээччилэр «Улуу Туймаада оһуокайын» сүрүн кыайыылааҕар киирсиэхтэрэ, болдьохтоох кэмнэрэ дьүүллүр сүбэ миэстэтигэр быһаарар.

**Иккис түһүмэх** (түмүктүүр чааһа) – бэс ыйын 26 күнүгэр «Үс Хатын» төрдүс нүөмэрдээх “Оһуокай” түһүлгэтигэр 10.00-15.00 ч.

**Кыттааччыларга ирдэбил:**

- Бастакы түһүмэххэ күрэс аһаҕас - ким баҕалаах кыттар, биир кыттааччыттан төлөбүрэ - 500 солк.;
- Сайаапкага кыттааччы толору аата-суола, паспорун нүөмэрэ, прописката, паспорун хаһан, хантан ылбыта, төлөпүүнүн нүөмэрэ, ИНН нүөмэрэ, сайаапкатын толорбут күнэ-дьыла, илии баттааһына ирдэниллэр.
- Сайаапканы уонна взноһу эрдэттэн бу ссылканнан киирэн толорон ыытыаххытын сөп (<https://forms.gle/px9PjxqJMHeWpXFU8>)

**Быһаарыылар:**

- Сэрэбиэй күрэхтэхтэһии саҕаланыан иннинэ эрэ ытыллар. Ол кэннэ, сэрэбиэйи тардыбатах этээччи кыттыбат;

- Этээччи кынат дьонун бэйэтэ булан, түһүлгэ саҕаланар бириэмэтигэр бэлэм буолуохтаах. Ынырыллыбыт кэмигэр кэлбэтэбинэ күрэхтэһииттэн уһулар;

- Этээччи этэр бириэмэтин дьүүлүр сүбэ миэстэтигэр быһаарар;

- Этээччилэр бириэмэлэригэр эттилэр даҕаны баран хаалбакка, атын этээччини өйөөннөр кынат буолан кытталлара учуоттанар;

- Уус-уран тыла, ис хоһооно, түһүлгэни тутуу, куолас, таңас, хамсаны сыаналааһына дьүүлүр сүбэ балаһыанньатынан барар.

### **Күрэс сыала-соруга:**

- Саха дьонун кутун-сүрүн алгыстаах тылларынан чөлүгэр түһэри;

- Ытык оһуокайы Саха Сиригэр, саха омук олохсуйбут сирдэригэр тарҕаты-тэнитии, Аан дойдуга олохтоох атын омуктарга киэнник билиһиннэри;

- Оһуокайы уус-уран айымньыы быһыытынан бөҕөргөтүү;

- Төрүт үгэстэри дьонго, ыччакка тарҕаты, куһаҕан тыыннаах сабыдыалтан тэйитии;

- Былыргы Ытык оһуокай алгыс тылларын сөргүтэн, умнуллан эрэр духуобунай күүһүн бөҕөргөтүү.

### **Кыайыыны быһаарар ирдэбиллэр:**

- Этээччи хоһуйуутун ис хоһооно, уус-уран тыла, амарах алгыс тыла, үтүө дьайыылаах хоһооно;

- Этээччи куолаһа чуора-кэрэтэ, түһүлгэни тутара, сахалыы таһаһа-саба, сиэри-туому тутуһуута, хамсаныыта;

- Оһуокай түһүмэхтэрин тутуһуу (туойан саҕалааһына, хаамтарыыта, көтүтүүтэ, налытыыта);

- Саха түөлбэ оһуокайдарын билсии, үөрэтии, көбүлээһин.

### **Кыайыылаахтары наҕарадалааһын:**

- Күрэс түмүгэ бэс ыйын 26 күнүгэр Дьокуускай куорат, «Үс Хатын» төрдүс нүөмэрдээх «Оһуокай» түһүлгэтигэр күнүс 15.00 ч. буолар.

- Быйылгы үбүлүөйдээх сылынан сибээстээн Улуу Туймаада Ыһыаҕар 2022 с. «Бастын этээччи» аатын (Гран–При) хаһаайыннарынан үс бастын этээччилэр буолуохтара уонна «Саха Сирин Дархан этээччитэ» диэн үрдүк ааты сүгүөхтэрэ. Ону таһынан араас номинацияларынан кыайыылаахтарга сыаналаах бириистэр туттарыллыахтара, элбэхтик кынат буолан этээччилэргэ, көмө буолбут дьону дьүүлүр сүбэ чилиэттэрэ туспа көрөн сыаналыахтара, бириистэринэн наҕараадалыахтара.

Ыһыахха куорат тэрилтэлэрин түһүлгэтин тэрийээччилэрин ынырыыларынан «Оһуокай» түмсүү этээччилэрэ кэлэн оһуокай этиэхтэрин сөп. Ону түһүлгэ тэрийээччилэрэ эрдэттэн «Оһуокай» түмсүүгэ (89142385487, 421155 төл.) сайаапка түһэриэххитин сөп.

Билсэр телефонгут: 89142385487 – Тарский Александр Лаврентьевич;  
89644161864 – Абрамова Ирина Васильевна.

Өбүгэ төрүт үгэһин быстыспат ситимин үйэлэргэ ааттатыабын!  
Оһуокайы оройуттан тутан тахсар күнү уруйдуобун!

---